

荔枝園 連理木 飲鹿槽 又西爲綠塋其在西綠塋
外者有 白鹿觀 唐昌觀 虢國莊 津陽門詩
八姨新起合歡堂翹鸚賀燕無由窺萬金耐工不肯去
矜能恃巧猶嗟吝注號國創一堂價費萬金堂成工人
償價之外更邀價伎之直復授絳羅伍千段工者噤而
不顧號國異之問其中工曰某生平之能殫於此矣苟
不之信願得蠅蟻蝓蜂蠶之類去其目而投於堂中
使一物有失即不論工直也於是又以繒綵珍貝與之
山下人至今話故事者尚以第行呼諸姨焉 由玉輦
道南上爲

卷二

三十八

長生殿 長安志長生殿齋宮也有事於朝元閣即齋沐
此殿山城內多馴鹿有流澗號飲鹿泉金沙洞玉蕊峯
皆元宗爲名洞居殿之左玉蕊峰在東繡嶺上有王母
祠長恨傳天寶十載楊貴妃侍筵避暑驪山宮秋七月
牽牛織女相見之夕時夜半休侍衛于東西廂元宗憑
貴妃肩而立仰天感牛女事密相誓心願世世爲夫婦
碧鷄漫錄元宗幸驪山貴妃生日命小部張樂長生殿
會忠州遞進荔枝開籠香滿一室供奉李龜年撰荔枝
香曲進之時天寶四載夏也按元宗於每歲十月幸華
清宮無避暑驪山事肅宗時張后召越王係于長生殿

授甲使討李輔國又肅宗在長生殿使使者越張后下
殿又臨淄王已誅二張入后所居長生殿白之白太傅
七月七日長生殿應指此殿似與華清宮之長生殿無
涉然長恨歌傳去元宗未遠寧無所據而云然者程大
昌亦謂華清宮複道潛通大明宮其有無避暑驪山事
皆未可定故兩存之 長生殿次東有

百僚廳 廳南上爲

明珠殿 又南上稍西爲

朝元閣西繡嶺第三峯也 賈氏談錄在北山之上基址
最爲嶄絕次東即長生殿故基 類書朝元閣在驪

卷二

三十九

山唐建舊址尚在杜常詩曰朝元閣上西風急都入長
楊作雨聲即此 閣南次西爲

降聖觀即老君殿 津陽門詩朝元閣成老君見注天寶

四載十月老君見於朝元閣於其見處立降聖觀雍錄
老君殿在朝元閣南都穆記山之半平坡朝元閣舊建
於此又上二里爲老君殿老君見於朝元閣南元宗於
其見處立降聖觀是降聖觀與朝元閣寔二處也册府
元龜天寶七載十二月元皇帝降於朝元閣改爲降
聖觀是以朝元閣爲降聖觀矣非是杜光庭錄異記云
當堯時五星自天而賈金星之精墜於南山圭峯之西

號爲太白其精化爲白石狀如美玉有紫氣覆之天寶中元宗欲塑元元像夢州人曰太白谷中有玉石可取而琢之遣使入北谷紫氣下果掘得玉石琢爲元元皇帝像祀之制作精絕今傳存殿中五色精潤神氣如生惟身遺火損兩手被燬道人當去刻木手狀觀下令人不覺其南曰

迎春坪 又南有

燕子龕 省志在降聖觀南主維有燕子龕禪師作 由

降聖觀南稍東上曰

望京樓亦曰斜陽樓在第二峯 雍錄新長安志載斜陽

樓在老母殿北或曰即望京樓也 其南有

卷二

四十一

丹霞泉 次東爲

鐘樓 雍錄在朝元閣之東 又南上爲

羯鼓樓在第一峰稍西 長安志在朝元閣東近南緣墻

之外前志鼓出外夷龜茲天竺部皆用之在都曇鼓答

臘鼓鷄婁鼓之上漆如漆桶下有小牙床承之擊用兩

杖宜黃檀花椒等木其聲噍殺鳴烈尤宜促曲破戰催

花又宜高樓晚景月白風清破空透遠捲用精鐵不勻

而鼓即成琴徽之效病矣宋開府環曰頭如青山峰手

如白雨點山峰取不動雨點取碎急此即羯鼓之能事

也宰相杜鴻漸登閣奏此羣羊牧於山下忽躑躅不已

不謂以鼓然也及止鼓羊亦止元宗不好琴常叱琴者曰待詔出去速召花奴取羯鼓來爲我解穢 由羯鼓樓東上爲

翠雲亭亦曰翠陰亭居第一峰絕頂稍東兩嶺皆下俯華清宮左右並前後各數百里外皆在指顧山與宮相借並美是亭尤台擅其勝云

右華清宮經祿山亂後巡幸絕少唐末遂廢晉天福中改靈泉觀以賜道士蓋已嘆爲烏有茲志所載祇依諸家圖記按次序列此外有溫泉御製碑筭殿雙皂莢今失宮內有冲明閣御容殿宮北次東有更衣殿次西有

卷二

四十一

五聖殿少府監天狗院鷹鶴院御馬院驪山有飛閣寺天華宮玉女明星殿故址無考今所存者惟老君王像兩嶺古柏數萬株而已星辰湯仍屬舊址然觀四而及湯底所砌石亦係後來所作盡毀古人名刻爲湯礎其字畫未磨滅者落落如晨星隱現石上甚爲可惜次西有御湯北有太子湯康熙四十二年作以備

御幸者又御湯西有女湯太子湯北有男湯木植壯大石皆古澗可愛半屬故物近作二湯于星辰湯東以備星使往來名曰新湯規制疎落稱關中名勝然較諸當年萬不逮一余既有故宮黍離之感而並傷前賢手迹淪陷湯

泉之內無復能識記者因附銘刻於左

銘刻

北魏元萇溫泉頌碑 書法機圓體方於義獻後別開形

制為唐歐陽詢名手所自出篆額尤奇與古陶禮碑絕

相似共三十六字缺一字魏使持節散騎常侍都督雍

州軍事安西將軍雍州刺史松茲公河南元萇於

溫泉之頌文缺二十字 唐元宗置華清筭殿宮中

號玻璃碑一時寶貴若此今在靈泉觀門東隅恐遭漫

沒昇置文廟大成殿庶守視不踈也前志元萇北魏宗

室當刺雍州時請常景為司馬以階次不及除錄事參

卷二

四十二

軍隨至長安命景作高顯碑銘刪正張華博物志名重

當時而為萇參軍則萇豈常人哉

北周王褒溫泉銘 今石失傳 挺此溫泉驢岳之陰白礬上

微丹砂下沉華清駐老飛流瑩心谷神不死川德愈深

庾信樊噲見項王贊 或係冰石者 樊噲將軍漢王車右不

憚鋒刃何辭斗酒灑上屯軍滏門固守持謝范增惟留

玉斗

唐太宗幸溫泉宮御製碑

元宗一行禪師塔碑

元宗石甃寺題佛殿草八分各體書

舞陽侯廟王利器撰史惟則八分碑 前志以上皆碑目

諸書所載唐之名筆也今皆漫沒無存妙跡永絕千載

不再惜哉

張說溫泉箴 東山少連曰元冥氏之子壬夫安祝融氏

之女曰丁芊俱學水仙是為溫泉之神焉帝命之救萬

靈盪滯結腑臟達膈泄下人多賴上帝是崇有飛廉

氏之佚女姤之常欲大恩其功故入溫泉必齋以洗心

戒以防患恕以利物舍生之疾我願除祓二神嘉之吹

湯激邪珠洩滌深滌泊揚華此其效也若入溫泉僻心

穢形惡言淫行居食失節動出踈輕二神醜之不匡人

卷二

四十三

命飛廉佚女以裾襲人是走疰芒風瘍眩齷之病夫有

意之醫照合神聖無恆之醫身為慾使莫之益傷之者

至矣是以君子慎其微也宋治平丁未孟冬朔縣令尹

光臣立石虞部員外郎楊方平書 今石已佚

賈至旌德廟碑 顏魯公書今學官所樹碑乃宋人重刻

其原碑已不可復識矣然其書法自卓然成家非時下

所可及大中祥符三年都官郎中徐班書知昭應縣事

張綽篆額縣尉兼主簿事左維永陝府西路諸州軍提

點刑獄公事李及又薛顏又楊舒又范巽又李士龍又

張秉又冉示閱又姓撰其衝不能悉載蓋同時襄事者也

皇甫湜狼石銘 狼石蒼蒼巍山之旁鑿朴於巖巖然四

方昔秦皇帝謀之不臧七十萬人茲焉惶惶發石北山

言礎于墳若有憑依屹住中遠淫刑蹙迫人力無施故

老相傳以狼名之自昔太古不封不樹有葛于溝有薪

於野後聖有作緣情不忍為之棺槨其在唐虞則惟獄

木噫嘻暴秦虐用其人墳而象山下銅三泉窮珍惣奇

力瘁則殫驅逐而前如刈草菅天毒其衷悻憤其凶謫

戍一呼九州風從棘樞溪荆指麾峭嶺險阻不開十戈

卷二

四十四

倒鋒尸露于劫隧燔于童蓬顆無依不十年中禹葬會

稽不改其行聖德洋洋厥饗久長至於漢劉釋之有言

中有可欲猶隙南山矧私其身以盡其人視茲狼石烟

戒千春石為元劉劉碑碑新用之當日是刻於石

司空圖秦坑儒谷銘今其秦術戾儒厥民斯酷秦儒既坑

厥祀遂覆天復儒讐儒祀而族秦坑儒耶儒坑秦耶

宋蕭資文宣王廟八分書碑 前志書法端秀豐逸全學

御製孝經及史惟則碑當是東都以來能手學宮舊在

縣治東即常平倉西察院地也咸平三年八月移建北

城下即今學宮知縣事趙怡縣尉徐炎通判府軍事騎

都尉借緋劉克勤尚書兵部侍郎知軍府事天水縣開國男趙昌言撰文主簿王漢八分書則鄉貢進士蕭資

筆也今碑十大

歐陽修題北海相景君銘銘碑字多損落故題其後人共識為景丹後嗣也今碑失

右漢北海相景君銘其碑首題云漢故益州太守北海

相景君銘其餘文字雖往往可讀而漫滅多不成文故

君之名氏邑里官閥皆不可考其可見者云惟漢安二

年北海相任城府君卒城下一字不可識當為景也漢

功臣景丹封樸陽侯傳子尚尚傳于苞苞傳于臨以無

嗣絕安帝永初中鄧太后詔封苞弟遵為監亭侯以續

卷二

四十五

丹後自是而後史不復書而他景氏亦無顯者漢安順

帝年號也君卒於順帝時蓋與遵同時人也碑銘有云

不永糜壽余家集錄三代古器銘有云眉壽者皆為糜

蓋古字簡少通用至漢猶然也治平元年四月二十九

日書

喬元龍草書 刻凝真道士碑陰共二十字少華喬元龍

趙覓功同登朝元氣象豁然因題於壁書法飛動入神

稱草聖云旁注少華元之率鄉人高子堅場質夫登

朝元於壁間見元龍草聖惜其浸滅遂書於後元符庚

辰中秋質夫題

陳叔度雙皂莢行石即并殿雙皂莢其時尚存綠葉森森迎曉日雙雙

暗結秋霜實乾坤造化借風流陰靈滑稽為誰匹一帶

雙葩心兩同風力雨綿神其功中官始奏獻奇異祥圖

瑞牒揮毫鋒四海萬方只一株綠繞周墻百丈餘侍從

宮娃共爭取攀援棘刺血羅襦采得溫泉奉金輦雪瑩

肌膚紅玉暖合歡當前此物生上皇都笑天機淺元豐

五年秋七月十有一日安化陳正舉立石叔度子也

李延過臨潼三絕句石 淒涼感舊與懷親時事居人觸

目新獨有溫泉故情在猶能為我洗紅塵一一別驢山

歲已深林花依舊繡蒼岑歸尋當日新開路隱約苔痕

卷二

四十六

下翠陰三山原綠繞水縈紆繡嶺屏風立坐隅更上朝

元最高處饒君都看渭川圖三元祐丁卯年作也大觀

四年十二月十六日永興軍等路提點刑獄公事埏子

熙民勒石

孫漸遊驪山詩石 曉促岑口征晚留華清宿彌月倦紛

埃晞髮蓮湯浴夜雨鬧庭梧漏長秋睡足半明徑欲西

霽色開林麓遂作朝元遊聊放千里目嵯峨北來橫渭

水東轉曲坡田散牛羊沙岸翔鳧鶩爽氣襲衣裘青烟

生井屋憶昔唐天子承平溺愛欲翠輦拂行雲鉤陳裏

幽谷遺址今尚在綠垣半頽覆玉像暗真仙石槽標飲

鹿羯鼓寂無聲連理空餘木長生豈難求有道書丹籙
淚未忘馬嵬恨已悲金粟往事寄冥冥芳草依然綠政
和四年作也

程懿叔詩石 三伏登途徹盛寒客程猶未解征鞍明時

用捨皆公道自是非才進路難元符三年十月二十八

日至此遇雪偶書

謝彥詩石 自愧塵容去復來驪山頂上看崔嵬誰人得

向長安道曾浴蓮湯十二回政和丙申三月書石俱在

星辰湯東壁

王素仁宗時安撫涇原路兼知渭州護國題詩溫泉

卷二

四十七

吳雍元豐七年帥秦八年召除戶部携家登驪山留題

朱光庭判永興軍華清偶成

丹陽蘇莊政和間留題靈泉觀各在詩石今俱失詩石在

金僕散汝弼風流子詞石 三郎年少客風流夢繡嶺盤

瑤環看浴酒發春海棠睡暖笑波生媚荔子漿寒况此

際曲江人不見假月事無端羯鼓數聲打開霜道霓裳

一曲舞破童關 馬嵬西去路愁來無會處但淚滿關

山賴有紫囊來進錦機傳看嘆玉笛聲沉樓頭月下金

釵信杳天上人間幾度秋風渭水落葉長安 正大三

年縣令僕散希魯立石前志宋元至今刻石甚多殆難

勝紀而富以此爲第一其詞幽麗悽婉字畫勁峭有如拱璧因砌而珍之今石失

移刺霖詩石 蒼苔徑滑明珠殿落葉林荒羯鼓樓渭水都來細如綫若爲流得許多愁承安年按察陝西路過

驢作也遼東孫極之書
今石星辰

雲房草書石 移刺霖幼子松齡所擬作鍾離書者雲房

鍾離子別號原書二字較此差大而臨摹如出一手筆

力放浪若驚鴻奔驥可稱神品今石樓陽東門壁上

柴震靈泉觀九陽神鍾銘 鍾乃古樂制於聖人不石不

播可叩可聞固將設之以饗嘉賓固將奏之以和鬼神

卷二

四十八

豈特於斯仍告朝昏大定二十一年重鑄其銘仍宋元

豐故鍾文縣令柴震作也

元成宗大德十一年加封孔子詔碑 先孔子而聖者非

孔子無以明後孔子而聖者非孔子無以發所謂祖述

堯舜憲章文武儀範百王師表萬世者也父子之親君

臣之義永惟聖教之尊天地之大日月之明奚醫名言

之妙詔旨詳切備極推尊臨潼縣達魯花赤明可圖縣

尹張伯顏不花主簿納迎刺丁縣尉苗國傑典史令狐

思義書法莊勁陝西諸道行御史臺治書侍御史郭思

貞筆也

韓擇修文宣王廟碑記 貞元十年知縣馬忙一作重修

鉤臺韓擇記并書臨潼縣達魯花赤玉隆帖木兒立石

劉仲殷有至元戊寅至正丙申作黃真立石 暢師文至

元己丑僉按察提刑巡歷驪山留題其子曾伯西臺御

史道過立石今皆失

明太祖洪武二年御製城隍封碑今存

世宗嘉靖丁亥御書程子四箴范氏心箴頒勸學宮共五

石

保安王題華清宮湯泉詩石 獨隨曉仗到驪山隱隱宮

墻碧草間一派東流還似舊有人日日弄潺湲一芙蓉

卷二

四十九

朶朶吐清漣雲竇潛通火井泉萬里陽和春欲暮春光

正是浴沂天二宮樹深中浴殿開玉龍煖水淨塵埃當

時若識銘盤意不向驪山說禍胎三 成化甲辰三月書

石今石驪泉關道房壁

本朝

世祖御製勸士子臥碑順治九年頒勸學宮在明倫堂

聖祖御製訓飭士子文碑康熙四十一年頒勸學宮在文廟又靈

泉觀道房有前署縣陳嘉策溫泉歌石其歌云驪山老

母煉金石赤電閃光金液滴鼓盪元氣開大門倒瀉天

河通地脉紫釜紅爐煮不休空山夜半鬼神泣滄濛一

破丹井流萬古乾坤洩精秘下界塵濁人不知呼作溫
湯供洗滌阿房火後唐殿荒此水千年還不息朝來冠
蓋始回鑣薄暮軒車又投驛僮僕咆哮紛雜查婦女招
携偏絡繹此間管領有縣官送往迎來苦供億反教下
吏怨神仙靈湫母乃太狼籍我來劇邑無多時三浴徘徊
三嘆息神異都歸造化功流波俱仰 聖王澤方期
宇宙躋太和何惜區區折腰力歌詞清婉描寫時事最
爲曲盡 又宋徽宗御製學校八行八刑條碑元大德
十一年於其背面刻加封孔子詔向外立而原刻八行
八刑條轉向內成碑陰矣兼以字畫剝落其完好者僅

卷二

五十一

存一二以故至今無人知者余偶因謁廟於其碑後細
加閱視其文漫滅難讀大旨以孝弟睦婣任恤忠和爲
八行其反是者各有刑條其書大觀二年十月二十五
日奉御筆也氣體渾融丰骨修整於鋒藏刃歛處饒有
餘妍臨滯藁多唐宋名刻自前某修溫湯後磨斲殆盡
於今所存內求可臨摹者惟元葺溫泉頌及是碑而已
故記諸此俾並加寶貴云

臨潼縣志卷三

祠祀 陵墓附

古之立祀者皆以爲民奉牲以告奉粢盛以告亦既祇肅
將事備物咸有矣而事不治百姓未安欲於我居歆也其
道無由夫政刑清而風雨時民人和而年穀登怨慝作而
災眚見徵應之機捷于影響前志國之大事在祀神所憑
依在德官無失職民不廢業而神乃効靈此可謂得其要
領矣惟壇廟統入祠祀附以寺觀而陵墓別載於義似少
未協自帝王卿相以及賢人君子各陵墓皆其魂魄所依
第爲時久遠其後嗣不必盡存又乏守家之戶必致日就

卷三

一

荒沒令長所在必詳考其營宇故地于歲時致祭加脩葺
焉其有功德在斯土者必具實請祀與春秋壇廟並列非
第以慰幽靈抑亦守土者之責也故附載祠祀庶鬼神道
合而禮樂之用備也

壇廟 省志先壇後廟各縣志俱由廟及壇以廟建縣內
壇除縣外亦自近而遠之義也

文廟在縣署北敬一亭之南舊中街東吉祥寺西明洪武
二年建成化元年前縣劉聰增脩未就前縣高恆繼成
之大成殿邑人因涓漲獻得所浮大木以建故極宏廠
殿左右爲兩廡前戟門又前泮池引湯泉注之橋亘其

上又前櫺星門左禮門右義路南宮墻抵街街南爲教
育英才坊

廟號歷代異稱漢平帝稱宣尼公和帝封褒尊侯北魏孝
文帝稱文聖宣父後周宣帝封爲鄒國公宋眞宗諡元
聖元武宗號大成至聖文宣王明洪武初因之肖像南
向四配十哲皆於廟中東西向俱封公爵從祀詔賢列
東西廡凡百有五人皆封侯伯其始祀京師國學及曲
阜廟而已十年命天下通祀之學宮二十九年從行人
楊砥之言罷楊雄進董仲舒永樂八年進祀元儒吳澄
正統二年進祀宋儒胡安國蔡沉眞德秀成化元年有

卷三

二

請以楊時從祀者下廷議命有司祀其鄉以羅從彥李
侗配宏治八年從祭酒謝鐸之請乃進時從祀嘉靖九
年輔臣張璉以正孔子祀典爲請凡五事一曰孔子不
宜封王二曰不宜設像三曰不宜十二籩豆樂八佾四
曰不宜庭祀顏路曾點孔鯉五曰兩廡諸賢宜更正複
謬而以蔡元定歐陽修有功聖門皆宜從祀時行人薛
侃亦言陸九淵宜從祀皆下廷議遂命天下學宮皆易
孔子像以主稱至聖先師廟曰先師之廟四配皆稱子
十哲以下稱先賢某子左邱明以下稱先儒某子春秋
祭祀國學十籩十豆府州縣八籩八豆樂舞用六佾一

如國初制別爲叔梁紇立祠稱啟聖公孔氏以顏無繇
曾點孔鯉孟孫氏配而程珦朱松蔡元定從祀焉改申
根申黨爲一公伯寮秦冉顏何荀况戴聖劉向賈逵焉
融何休王肅杜預吳澄皆罷祀林放蘧伯玉鄭衆盧植
鄭元伯虔范甯各祀其鄉增祀后蒼王通歐陽脩胡瑗
陸九淵五人隆慶五年進薛瑄從祀萬曆十二年進胡
居仁陳獻章王守仁從祀四十一年從提學熊尙文請
進祀宋儒羅從彥李侗於兩廡我

朝康熙五十一年升配朱子於大成殿十哲卜子位下五十
五年從學正余正健請進宋儒范仲淹從祀雍正二年

卷三

三

從廷臣議前明改祀于鄉今宜復祀者四人林放蘧瑗
鄭康成范甯前明罷祀而宜復祀者二人秦冉顏何孔
孟弟子宜增祀者六人縣廩牧皮樂正子公都子萬章
公孫丑漢以下宜增祀者十四人諸葛亮尹焯魏了翁
黃幹陳淳何基王柏趙復金履祥許謙陳澹羅欽順蔡
清陸隴其通行各學一體從祀乾隆二年從尙書甘汝
來請進元儒吳澄復祀廟庭三年從尙書徐元夢請升
配有子於十哲卜子位下移朱子於顯孫子下又按啟
聖祠祀孔子父叔梁紇也舊無祭元至順間封齊國公
嘉靖九年議以齊國公無祭爲闕典又顏曾二子坐堂

上而顏之父路曾之父點在庶下孔鯉與孟孫氏亦無
 祭俱于義未當乃請于啟聖公祠中祀啟聖公叔梁紇
 配以顏路曾點孔鯉孟孫氏而以程灝父珦朱熹父松
 蔡沈父元定從祀焉啟聖公牲帛籩豆視四配四配視
 十哲三氏視兩廡萬歷二十四年復進周敦頤父輔成
 從祀位在程珦之上我

朝雍正元年加封孔子五世曰肇聖王木金父公裕聖王祈
 父公詒聖王防叔公昌聖王伯夏公啟聖王叔梁公改
 啓聖祠爲崇聖宮又增祀宋儒張載之父迪從祀遂爲
 定制云

卷三

四

從祀姓氏

四配

顏回 字子淵

孔伋 字子思

十哲 今十一哲

閔損 字子高

冉雍 字仲弓

端木賜 字子貢

仲由 字子路

卜商 字子夏

曾參 字子輿

孟軻 字子輿 或曰

冉耕 字伯牛

宰我 字子我

冉求 字子有

言偃 字子游

顓孫師 字子張

有若 字子有

東廡 祀六十二人

蘧瑗 字伯玉

原憲 字子思

商瞿 字子木

司馬耕 字伯牛

冉孺 字子產

冉季 字子產

漆雕哆 字子欲

任不齊 字子選

公肩定 字子仲

罕父黑 字子索 一字子黑

左人鄧 字子行

原亢 字子竊 魯人史

叔仲會 字子期

邾巽 字子欲 魯人

琴張 字子張 魯人

秦非 字子之

顏何 字子冉

樂正克

朱熹 字元晦

潛臺滅明 字子明

南宮适 字子容

漆雕開 字子若

梁鱣 字子魚

伯虔 字子括

漆雕徒父 字子文

公西赤 字子華

公良儒 字子正

鄒單 字子家

榮旂 字子旗

鄭國 字子徒 魯人

廉潔 字子庸

公西與如 字子上

陳亢 字子禽

步叔乘 字子車

顏噲 字子聲

縣賈 字子云

萬章

卷三

五

周敦頤 字茂叔 道州人

邵雍 字堯夫 洛陽人

伏勝 字平叔 臨淄人

后蒼 字近君 東海人

諸葛亮 字孔明 琅琊人

范仲淹 字希文 吳縣人

楊時 字中立 將樂人

李侗 字愿中 延平人

蔡沈 字仲默 建陽人

魏了翁 字自知 邛崃人

卷三

趙復 字德全 婺州人

吳澄 字叔器 臨海人

王守仁 字伯安 余姚人

西廡 祀六十一人

林放 魯人

公冶長 字子長 魯人

高柴 字子羔 魯人

高澤 字子秀 魯人

顏辛 字子柳 魯人

公孫龍 字子石 魯人

程顥 字正叔 洛陽人

公羊高 齊人

董仲舒 字廣川 廣川人

杜子春 河間人

王通 字仲淹 博州人

歐陽修 字永叔 廬陵人

羅從彥 字仲素 延平人

呂祖謙 字伯恭 婺州人

陳淳 字安卿 龍溪人

王柏 字敬止 玉山人

六一

許謙 字金華 人

胡居仁 字叔心 休寧人

羅欽順 字敬翁 永豐人

宓不齊 字子賤 魯人

皙哀 字季沉 魯人

樊須 字子遲 魯人

巫馬施 字子旗 魯人

曹卹 字子循 魯人

秦商 字子玉 魯人

顏高 字子輿 魯人

石作蜀 字子明 魯人

后處 字子石 魯人

顏祖 字子襄 魯人

秦祖 字子南 魯人

公祖句茲 字子之 魯人

樂欬 字子欣 魯人

孔忠 字子茂 魯人

顏之僕 字子叔 魯人

申棖 字子周 魯人

卷三

秦冉 魯人

公都子 魯人

張載 字子厚 郪人

穀梁赤 字元始 魯人

孔安國 字子國 孔子十一世孫

鄭康成 名元高 密人

韓愈 字退之 河陽人

司馬光 字君實 夏縣人

胡安國 字康侯 婺源人

陸九淵 字子靜 金谿人

壤駟赤 字子從 秦人

公夏首 字子乘 魯人

奚容翬 字子栢 魯人

句井疆 字子均 魯人

縣成 字子橫 魯人

燕伋 字子忠 魯人

狄黑 字子一 魯人

公西赤 字子商 魯人

施之常 字子常 魯人

左邱明 魯人

七一

牧皮 魯人

公孫丑 魯人

程頤 字伯淳 洛陽人

高堂生 字伯高 魯人

毛萇 字子夏 大毛公之子

范甯 字蔚明 南陽人

胡瑗 字翼之 海州人

尹焞 字彦明 洛陽人

張栻 字敬夫 南江人

黃幹 字直野 南平人

真德秀 字景元 浦城人

何基

陳 澹

金履祥

許 衡 字仲平 河內人

薛 瑄 字德潤 河津人

陳獻章 字公輔 新會人

蔡 清 字介福 蘄州人

陸隴其 字稼書 平湖人

崇聖宮 在大成殿東

顏無繇 字季路 魯之父

曾 點 字皙 魯之父

孔 鯉 字伯魚 魯之父

孟公激 字宜 或曰字公宜 齊之父

周輔成 字致顯 魯之父

程 珦 字公顯 魯之父

朱 松 字汝之 魯之父

張 迪 字之 魯之父

蔡元定 字之 魯之父 以上九人

樂章

迎神奏咸平之章 無名

大哉孔子先覺先知與天地參萬世之師祥徵麟絞韻

答命終日月既揭乾坤清夷

初獻奏寧平之章 有書

予懷明德玉振金聲生民未有展也大成俎豆千古春

秋上丁清酒既載其香始升

亞獻奏安平之章 有書

式禮莫愆升堂再獻饗協鼓鏞誠孚密獻肅肅雍雍譽

髦斯彥禮陶樂淑相觀而善
終獻奏景平之章 無名

自古在昔先民有作皮弁祭菜於論思樂惟天廡民惟
聖時若彝倫攸敘至今木鐸

徹饌奏咸平之章 無名

先師有言祭則受福四海贊宮疇敢不肅禮成告徹母
疏母瀆樂所自生中原有菽

送神奏咸平之章 無名

兗繹峨峨洙泗洋洋景行行止流澤無疆聿昭祀事祀
事孔明化我蒸民育我膠庠

名宦鄉賢合祠 在文廟西

張 旣 漢京兆尹前新豐人 房恭懿 唐澤州司馬前新豐人

裴 向 唐史部尚書前開封人 張發辰 清吏部文選司主事 前臨澧令杞縣人

趙于京 清河南府知府前臨澧令 以上名宦五人

劉 翺 漢國公 景 丹 漢侯

虞慶則 唐上柱國 呂 震 明禮部尚書

安 郁 明四川蒲江令 李 崧 明河南左參政

楊 淳 明四川布政使 武之望 明少司馬 陝西三邊總督

劉 懋 明兵科左給事中 周道直 明晉附 中議大夫 北道副使

賈安策 明諸州知州 周祚永 清翰林院庶吉士 前宿遷令

卷三

卷三

王佩珂 以孫贈通議大夫

周燦 官四川 以上鄉賢

十四人

忠孝祠 在文廟東北

田真

田慶

田演 俱義士

鮑出 孝烈

劉純

虞慶

王孝傑

任中麟

任中鳳

孫守法 俱忠義

白超遠

梁體坤 俱義士

武大烈 孝義

張國禎

卷三

十一

張應佩

黃仲德

宋儒周

孔君貴

陳鉉

慕天保

楊渭

王耀

任鏡

王賜印 北田里人

周道治

賈師達

王文蕙 俱孝義人

以上二十七人

節烈祠 在文廟西北祀七十五人詳人物

橫渠祠 舊在文廟東北明萬歷三十五年建後圯前縣

趙子京因故察院地改建書院為樓于講堂北祀之按

伊洛淵源錄橫渠與弟御史戩皆為二程所重關中學者稱二張焉橫渠再移疾西歸過洛陽別二程行李蕭然至臨潼而沒門生挽車葬於鄆驪下乃告終地也故有祠

文昌祠 在文廟西北史記天官書斗魁戴筐六星為文昌曰上將曰次將曰貴神曰司命曰司中曰司祿周禮大宗伯以禋燎祀司中司命月令季冬之月畢祀天神祇鄭康成謂司中司命與焉蓋文昌之祀久矣貌而象之號為帝君則陸清獻公謂為道家之說也

魁星樓 在崇聖宮東星經北斗七星一天樞二璇三璣

卷三

十一

四權五玉衡六開陽七搖光一至四為魁五至七為杓一作奎以奎壁為天上圖書府也

關帝廟 在縣西門內街北前縣李裔芳建 按前代各有封號順治九年封忠義神武關聖大帝乾隆二十五年以原諡壯繆未允改封神勇二十三年加號靈佑縣城及里鎮廟甚多不具載

城隍廟 在關帝廟東明正統年建 按城隍有壇有廟春秋二祭則於壇朔望行香則於廟洪武元年加封爵府曰公州曰侯縣曰伯三年封縣城隍為顯佑伯二十三年改正祀典縣城隍曰本縣城隍之神

鄴侯土地合祠 在縣署儀門外東

獄神廟 在儀門內西

馬神廟 在縣驛 文獻通考仲春祀馬祖始生馬者仲

夏祀先牧始牧馬者仲秋祀馬祖始乘馬者仲冬祀馬
步為災害馬者

社稷壇 在西門外

風雲雷雨山川城隍合壇 在南門外東原上漢唐宋風

雷雨皆各壇以祭未嘗及雲洪武二年詔風雷雲雨各
為一壇六年以風雲雷雨山川合一壇八年又以城隍

合祭於壇

卷三

十一

先農壇 在社稷壇西

雩無壇寄祭先農

八蜡祠 在東門外前縣趙于京建 考蜡者索也歲十

二月合聚萬物而索饗之也一先嗇神農二司嗇后稷
三百穀報百穀之種也四先農古以農教民者五郵表

驛郵亭也表田畔也驛田畔可止處也田官營止此地
以勸農六貓虎田鼠田豕皆害稼者貓虎能食而除之

也七防所以障水八水庸溝也所以蓄水皆農事之備
故祭之前論辨甚多此較可從

旗纛 在先農壇西教場祀蚩尤也

太白廟 在西關一在新開山廟後有泉天旱取泉水禱
雨屢應

龍王廟 在西關 按古者祈雨則於風伯雨師名山大

川隋唐間祈雨初祀嶽鎮海濱及諸山川能興雲雨者
七日乃祈社稷又七日乃祈宗廟又七日乃脩雩祈神

州宋興始有五龍廟及九龍堂之祈蓋象龍御龍氏之
屬也

邑厲壇 在北門外鄭子產所云鬼有所歸乃不為厲者
是 以上壇廟各祭悉遵常儀

羣祀

卷三

十二

禹土廟即今十王廟 在南湯

風王廟 縣東南驪山風谷歲旱風自谷出為百穀病嘉

靖以前縣李裔芳屢禱輒應因增修正殿又旁立雨師
廟每歲春秋上戊與各壇廟同日致祭

東嶽廟 在斜山南原 一在樸陽 一在粟邑 按古

者諸侯祀其境內名山大川今各省州縣有東嶽廟以
東嶽主生故也

露臺祠即仁祖廟 驪山東二十里漢文帝廟也帝欲作
露臺惜白金中人十家產而止民感之為立祠其地有

露臺故基

龍淵廟 縣西北二十里漢武帝嘗遊此龍淵其廟號也
張樊廟 係留侯舞陽侯合祠在門門坂通志稱漢二忠
祠唐稱舞陽侯祠今在新豐前縣趙于京重修有詩砌
壁上

烈侯廟 三輔會要唐烈臣段秀實廟在縣西十里斜口

鎮西南俗呼爲烈神廟明成化知縣徐鏞奉詔建嘉靖

己酉西安太守胡某重修前縣趙于京建饗亭

晉公祠 在新豐一在零口裴晉公度輔唐有再造功故
爲立祠

齊王廟 在東街寺坡口一在新豐祀唐相崔珪也唐太

卷三

十四

宗加封曰府君之神宋祥符祈嗣有應封地曹判官延
祐封護國西齊王

北極真武廟 在縣西南隅即北方元冥水神也

將軍廟 在東街未詳何神

孫真人祠 在城北唐孫思邈也俗稱藥王洞

廬陵王廟 在樑陽今廢

要册廟 在清川鄉陰村去樑陽五里 文獻通考要册

湫在寧州真寧縣舊記古有五池今四竭一在山之半

周一百六十步深注不一凡歲旱祈禱無不應乾符三

年封應聖侯光化二年封普濟王太平興國二年特改

封顯聖王按前志真寧要册池澄瑩澈底禽魚屏跡雖
返寒祁暑清和溫潤謂之要册靈湫北方水神迺伍員
子胥也唐神龍三載遣姬晉卿資錦繖賽靈湫是也茲
地有廟未詳何義

三田祠 祀田真田慶田廣兄弟荆枯復榮也在東郭前

縣張蒲建令兄弟訟者禮之

姜女祠 在西郭亦蒲建令妯娌訟者禮之

三公遺愛祠 前縣張公一鯤張公蒲馬公民牧在湯泉

西今廢邑人趙統武之望有記

二公遺愛祠 前縣朱公作繡趙公于京在關帝廟坊左

卷三

十五

少司馬武公之望祠 在樑陽

古祀

畦時 在樑陽 史記秦獻公時樑陽雨金自以得金瑞

故于此作畦時以祀白帝晉灼曰形如種韭畦時各一

土封

靈臺祠 在縣東南秦始皇建 一在縣東十五里會德

鄉或云即始皇廟

旌儒廟 在驪山西南五里坑儒谷今廢 恭定馮從吾

山中稿坑儒有谷秦之所以亡也旌儒有廟唐之所以

興也若重建廟宇移宋重刻碑于其中亦一時義舉洵

有味乎其言之也唐賈至碑宋重刻今存學宮

北時 在樑陽 封禪書漢高祖二年東擊項籍而還入

關問故秦時上帝祠何帝也對曰四帝有白青黃赤帝

之祠帝曰吾聞天有五帝而有四何也莫知其說於是

帝曰吾知之矣乃待我而具五也乃立黑帝祠命曰北

時

粉榆社 在縣東北十五里漢高祖初起豐楹粉榆社後

置新豐縣亦立此社焉

釋寺

吉祥寺 在城內文廟左即僧會司

卷三

十六

龍應寺 在城北一里

龍興院 在新義里

興化寺 在懷仁里一名草堂寺

宏教寺 玉泉寺 在朱奚里

通靈寺 圓明寺 豐稔寺 在孝義里

轉輪寺 中聖寺 聖力寺 在戲河里

聖壽寺 在西市里

圓覺寺 白塔寺 寶峰寺 九曜寺 莊嚴寺 千佛

寺 在張市里

吉祥院 觀音院 建福院 龍泉院 在賈村里

寶雲寺 在零口東坡上隋開皇中置號靈巖寺唐會昌

五年廢咸通五年再置名鷲嶺寺太平興國六年改持

國寺 津陽門注本名巖山寺唐武后建有緣閣複道

而上德宗時改

宏濟院 法輪院 在田王里

廻龍寺 廣教寺 溫公寺 在東陽里

能仁寺 懷池寺 清涼寺 在閻孟里

宏福寺 在義門里

金佛寺 大雲寺 聖壽寺 在張北里

集聖寺 興國寺 在三田里

卷三

十七

覺法寺 在萬代里

土佛寺 在歸厚里

龍遊寺 在相恭里

石佛寺 三聖寺 崇福寺 在中留里

大力寺 掛甲寺 天王寺 永興院 興福院 彌陀

院 在懷德里

孝村寺 在任留里以村有孝行者名

觀音寺 安福寺 在兩金里

興唐寺 歷代名畫記三門樓下吳畫神東般若院楊廷

光畫山水西院韓幹畫一行禪師真徐浩書譜又有吳

生周昉絹畫中三門內東西偏兩壁尉遲畫殿軒廊東面南壁吳畫 宏濟寺 建福寺 福藏寺 在東梁里

道觀

靈泉觀 雍勝畧本華清宮祿山亂後天子罕復遊唐末

遂皆見晉天福中改為觀賜道士居之今為三清殿

老母殿 在驪山第二峰 授經碑記李荅居少室山好

仙術至嵩山虎口岩得黃帝陰符經其本鍾爛荅抄讀

數千遍竟不曉其義入秦至驪山下逢一老母髮髻當

頂餘髮半垂神狀甚異路旁見一火燒樹因白語曰火

卷三

十八

生於木禍發必冠荅驚問曰此陰符經語母何得而言之母曰吾受此符已三元六周甲子矣少年從何得之荅稽首具告所得母曰真吾弟子也坐石與荅說陰符之義曰已脯曰吾有麥飯袖中出一瓢令荅谷中取水水既滿瓢重力不能舉而沈及還母忽不見但留麥飯數升荅食之氣血不衰入山訪道不知所終前志初廟本小順治中黃冠傅姓者始增修之建層閣殿後北順城邑如畫遂稱巨觀 按女媧織輿于壺為臨潼肇始立祠於驪山祀之宜也天皇紀女媧為伏羲氏妹故稱老母後有李荅傳經事遂神其說謂驪山老母

即傳經李荅者恐非是

天仙閣 紫微閣 雷神殿 在華清宮

德清觀 在驪山

太元觀 兩京道里記唐武德二年置在溫泉宮畔開元

二十七年以宮牆逼近失於恭敬乃令諫議大夫道士

尹愔徙之在宮北一里

白鹿觀 在縣西南十五里山上有昇仙臺蟾井武德年

帝獵此獲白鹿因以名觀宋加封神德洞天有白鹿書

院陳搏撰記

唐昌觀 在將西南

卷三

十九

李真人祠 在驪山東南二十七里 兩京道里記曰真

人名順興後魏時得道於此 津陽門詩注順興後周

時修道此山

太清觀 在王龕里

玉陽觀 丹陽觀 在孝義里

靈真觀 清真觀 在周榮里

靈臺觀 兩京道里記天寶初供奉陸霞奏置 靈應觀

在零口

三壇觀 在三田里內有侯真人碑

龍遊觀 在相恭里

元真萬壽觀 在田王里

翊唐觀 在樸陽鎮粟邑廟 舊圖經觀內昔寇尊師白

日上昇

大林觀 林即王 北極觀 在樸陽

陵墓

古陰康氏陵 路史禪通紀陰康葬浮肺山之陰注驪山

也見長安志家今存焉 按浮肺山自少華以東西至

終南太白南至商藍皆有地肺之名故尊盧在藍田陰

康在臨潼皆曰浮肺之陰

周幽王陵 在縣東北二十五里戲水原上 兩京道里

卷三

二十一

記陵高一丈三尺周三百步 西京雜記幽王家甚高

壯美門既開皆有石堊撥除丈餘深乃得雲母深尺餘

見百餘尸縱橫相枕藉皆不朽唯一男子餘皆女子或

坐或臥亦猶有立者衣服形色不異生人

秦宣太后陵 在芷陽 本紀昭襄母楚人姓芊氏號宣

太后四十二年太后薨葬芷陽 酈山注正義曰在祈

豐縣南 按賈志云宣太子陵芊氏陵俱在芷陽考秦

本紀止有宣太后則稱宣太子而別多一半氏陵者訛

矣

始皇帝陵 在縣東十里 本紀始皇治酈山天下徒送

詣七十餘萬人穿三泉下錮而致榔宮觀百官奇器珍

怪徒藏滿之令匠作機弩矢有所穿近者輒射之以水

銀爲百川江河大海機相灌輸上具天文下具地理以

人魚膏爲燭度不滅者久之二世曰先帝後官非有子

者出焉不宜皆令從死死甚衆葬既已下或言工匠

爲機藏皆知之藏重即泄大事畢已藏閉中羨下外羨

門盡閉工匠藏者無復出者樹草木以象山注皇覽曰

墳高五十餘丈周迴五里餘 括地志云秦始皇陵在

雍州新豐縣西南十里 漢書劉向傳始皇葬于酈山

之阿下錮三泉上崇三墳其高五十餘丈周迴五里有

卷三

二十一

餘石榔爲遊館人魚膏爲燈燭水銀爲江海黃金爲鬼

雁項籍燔其宮室營于往者咸見發掘其後牧兒亡羊

羊入其鑿牧者持火照求羊失火燒其藏榔 水經注

秦始皇大興厚葬營建冢壙於驪戎之山一名藍田其

陰多金其陽多玉始皇貪其美名因而葬焉斬山鑿石

下錮三泉以銅爲榔旁行周迴三十餘里上畫天文星

宿之象下以水銀爲四瀆百川五嶽九州具地理之勢

宮觀百官奇器珍寶充滿其中墳高五丈項羽入關發

之以三十萬人三十日運物不能窮關東盜賊銷榔取

銅牧人尋羊燒之火延九十日不能滅 西京雜記玉